

Resolución reitoral 05 de febreiro de 2024, da Universidade de Santiago de Compostela, pola que se establecen as bases reguladoras e se convocan proxectos colaborativos Campus Terra no marco do Convenio de Colaboración entre a USC e a Consellería de Cultura, Educación, Formación Profesional e Universidades polo que se regula o Campus de Especialización Campus Terra.

A Universidade de Santiago de Compostela, de acordo cos seus Estatutos, é unha institución de dereito público dotada de personalidade xurídica e patrimonio propio, constituída polos campus de Santiago de Compostela e Lugo, que asume e desenvolve as súas funcións como servizo público esencial á comunidade mediante o estudo, a docencia, a investigación e a transferencia do coñecemento, actividades para as que desfruta de autonomía, de acordo con estes estatutos e no marco da lexislación vixente.

Logo do convenio asinado entre a Universidade de Santiago de Compostela e a Consellería de Cultura, Educación, Formación Profesional e Universidades polo cal se regula o Campus de Especialización do Campus Terra, inclúe o desenvolvemento de proxectos colaborativos entre grupos de investigación do Campus, cos obxectivos de promover liñas de investigación de interese para o mesmo e diminuír a atomización dos grupos.

Para desenvolver estes obxectivos, a Universidade de Santiago de Compostela publica esta convocatoria interna de proxectos.

Artigo 1. Obxecto da convocatoria, contía e duración.

O obxecto da convocatoria é financiar o desenvolvemento de proxectos colaborativos entre os grupos de investigación do Campus Terra, **liderados por persoal investigador contratado con título de doutor**, coa finalidade de realizar estudos conxuntos que favorezan a cooperación entre grupos da mesma área científica ou de diferentes áreas científicas e o desenvolvemento de novas liñas e capacidades colaborativas. Estes estudos poden ser apoiados e reforzados coa participación de empresas ou outros centros de investigación.

O importe total do orzamento (80.000 €) irá destinado á financiar 10 proxectos colaborativos de 8.000 € cada un con cargo á partida **8183-272B-64100**.

O período de execución será de **12 meses** dende a resolución de concesión.

Artigo 2. Requisitos de participación.

Os proxectos terán que estar vinculados a calquera das grandes áreas de coñecemento sempre e cando a investigación se relacione con algún dos 9 eixos de especialización do Campus Terra:

- Producción Vexetal e Agricultura Sostible.
- Producción e Saúde Animal Sostibles.
- Alimentación Segura e Saudable.
- Xestión Forestal Sostible.
- Tecnoloxías facilitadoras, ómicas e TICs.

- Cambio climático.
- Biodiversidade e Infraestruturas verdes.
- Unha única saúde
- Historia e cultura no mundo rural

Os proxectos deberán contar coa participación de investigadores de polo menos dous grupos do Campus Terra que figuren no Catálogo de Investigadores e Grupos de Investigación da USC, dos cales un deles non deberá ter vixente ningunha modalidade das axudas para a consolidación e estruturación de unidades de investigación competitivas para as universidades do SUG financiadas pola Consellería de Cultura, Educación, Formación Profesional e Universidades.

Un investigador unicamente poderá participar nunha proposta.

Artigo 3. Gastos subvencionables.

1. Son gastos subvencionables os seguintes:

- Material funxible.
- Pequeno equipamento inventariable.
- Gastos de mobilidade e dietas (calculados de acordo co Real Decreto 462/2002, do 24 de maio, sobre indemnizacións por razón de servizo).
- Gastos relativos a servizos da RIAIDT, asistencia técnica externa, e publicacións.
- Gastos de persoal de nova contratación para a execución de dito proxecto. As novas contratacións deberanse facer a través de convocatoria pública e terá que constar no contrato de traballo a referencia ao convenio entre a Universidade de Santiago de Compostela e a Consellería de Cultura, Educación, Formación Profesional e Universidades polo cal se regula o Campus de Especialización de Campus Terra.

Artigo 4. Preparación das propostas.

As propostas presentaranse en formato PDF segundo o modelo recollido no **Anexo I** que se achegará coa presentación da solicitude de participación e deberá conter a seguinte información:

1. Datos da colaboración, na que se incluírán os investigadores participantes, indicando o grupo e a área de coñecemento á que pertencen.
2. Eixo de especialización do Campus Terra no que se enmarca a proposta, e que veñen recollidos no artigo 2 desta convocatoria. Unicamente escollerase un eixo por proxecto.
3. Memoria científica da proposta, onde se detallará o estado da arte, os obxectivos, o deseño experimental e metodoloxía empregada, así coma un cronograma de actividades e do persoal involucrado nas mesmas (extensión aproximada de 3.000 palabras).
4. Xustificación do valor da colaboración: Deberá amosar a novidade e interdisciplinabilidade que supón o feito de ser un proxecto conxunto entre investigadores de grupos diferentes.

5. Xustificación dos conceptos de gasto e importe do orzamento solicitado segundo o establecido no artigo 3 desta convocatoria.

Artigo 5. Prazo de presentación de solicitudes e documentación requirida.

A presentación de solicitudes irá dirixida á Area de Xestión da Investigación a través da Sede Electrónica da USC (<https://sede.usc.es/sede/publica/registroEntrada/solicitudes/listaxe.htm>), achegando o **Anexo I**.

O prazo para a presentación de candidaturas será dende o día seguinte ao da súa publicación no taboleiro da USC **ata o 29 de Febreiro de 2024 ás 23:59 horas**.

Artigo 6. Admisión das propostas.

Rematado o prazo de presentación de solicitudes publicarase a resolución provisional de admitidos e excluídos, que poderá consultarse na páxina web da Vicerreitoría de Política Científica con indicación, da(s) causa(s) de exclusión.

Os solicitantes excluídos disporán dun prazo de **tres días naturais**, contados a partir do seguinte ao da publicación da citada resolución, para poder emendar ou acompañar os documentos que motivaron a súa exclusión.

As emendas faranse unicamente a través da sede electrónica da Universidade de Santiago de Compostela, dirixidas a Area de Xestión da Investigación.

Rematado o prazo de emenda publicarase a lista definitiva de admitidos e excluídos.

Artigo 7. Selección das propostas.

As solicitudes serán obxecto de avaliación por parte da Comisión de Selección, aplicándose os seguintes criterios:

Valorarase a **calidade da proposta** cun máximo de 60 puntos:

- Viabilidade da proposta: ata 30
- Avaliación da metodoloxía científica e deseño experimental: ata 20
- Adecuación do orzamento: ata 10

Terase en conta o **valor estratéxico e de oportunidade** cun máximo de 40 puntos de acordo cos seguintes criterios:

- Aliñamento da proposta co eixo de especialización proposto do Campus Terra (a xustificar). Valorarase ata 20 puntos, segundo o grao de adecuación.
- Participación e grao de implicación de empresas ou centros de investigación na proposta (a xustificar): ata 5 puntos.
- Retornos esperados do proxecto en relación ós obxectivos do Campus Terra (a xustificar): ata 15 puntos.

A puntuación total mínima que deberán acadar as solicitudes será de polo menos 60 puntos.

Artigo 8. Comisión de avaliación.

A Comisión avaliadora titular estará formada por:

- **Presidenta:** M^a Elvira López Mosquera. Profesora Titular USC. Área Produción Vexetal.
- **Secretaria:** Raquel Rial Otero. Profesora Titular UVigo. Área de Nutrición e Bromatoloxía.
- **Vocal 1:** Froilán Vázquez Sánchez. Doutor en Veterinaria. Xefe de Servizo de Sanidade Exterior. Valencia.
- **Vocal 2:** Irene Suárez Fernández. Enxeñeira Agrónoma do Estado. Directora do Laboratorio Nacional de Sanidade Vexetal. Lugo.

A Comisión avaliadora suplente estará formada por:

- **Presidenta:** Azucena Mora Gutiérrez. Catedrática de Universidade USC. Área Microbioloxía.
- **Secretario Suplente:** Ignacio Arnaiz Seco. Laboratorio Sanidade Animal Galicia.
- **Vocal Suplente 1:** Luis Urquijo Zamora. Xefe Sección Investigación VII. Departamento de Pastos e Cultivos. CIAM.
- **Vocal Suplente 2:** Elvira Sahuquillo Balbuena. Profesora Titular UDC. Bioloxía evolutiva.

O funcionamento da Comisión de Avaliación axustarase ao previsto na Sección 3^a, do Capítulo II do Título Preliminar da Lei 40/2015, do 1 de outubro, do réxime xurídico do sector público, relativo aos órganos colexiados.

Os membros da Comisión deberán absterse de intervir, notificándolle ao reitor da Universidade, cando concorran neles circunstancias previstas no artigo 23 da Lei 40/2015 do 1 de outubro, de réxime xurídico do sector público. Así mesmo os aspirantes poderán recusar aos membros da comisión cando conorra algunha das circunstancias antes citadas.

A Comisión elaborará a proposta de concesión, que será elevada ao Reitor da USC.

Artigo 9. Órganos competentes para a instrución e resolución do procedemento.

O órgano competente para a instrución do procedemento de selección será a Xerencia, previo informe da Comisión Avaliadora. O órgano competente para ditar as correspondentes resolucións de selección será o Reitor ou persoa en quen delegue.

Artigo 10. Procedemento de resolución.

A Xerencia elevará ao Reitor ou persoa en quen delegue a proposta de concesión definitiva, que será publicada na páxina web da Vicerreitoría de Política Científica, e daráselle difusión.

A resolución de concesión ou denegación definitiva adoptarse no prazo máximo **dun mes** contado desde a finalización do prazo de presentación de solicitudes, e comunicarse de acordo co establecido no artigo 45 da Lei 39/2015 do 1 de outubro, mediante a súa publicación na web da Vicerreitoría de Política Científica da Universidade de Santiago de Compostela.

De conformidade cos artigos 123 e 124 da Lei 39/2015 do 1 de outubro, contra a resolución de concesión ou denegación que pon fin á vía administrativa, cabe interpoñer recurso potestativo de reposición.

Artigo 11. Libramento da axuda

O total da axuda librarase coa súa aceptación de conformidade, cos procedementos, requisitos e termos establecidos nas Normas de Execución do Orzamento da USC e na normativa que resulte de aplicación.

Artigo 12. Seguimento do proxecto

Os beneficiarios deberán presentar unha memoria final (**Anexo II**) que incluírán os traballos realizados ata o fin do proxecto.

Deberán facerse constar os resultados obtidos no proxecto en base a:

- Sinexía realizada entre grupos: por exemplo presentación conxunta de resultados nunha xornada específica organizada por Campus Terra e/ou solicitude dun proxecto a unha convocatoria competitiva de I+D+i.
- Publicacións científicas en realización ou enviadas.
- Capacidade de xerar accións de transferencia ao mercado.

A presentación de solicitudes implica o coñecemento e a aceptación destas bases.

CONVOCATORIA DE PROXECTOS COLABORATIVOS CAMPUS TERRA

Anexo I: Formulario de Solicitud

Datos da colaboración	
GRUPO COORDINADOR DA ACCIÓN	Nº de Referencia: Nome Curto:
COORDINADOR (IP)	
GRUPOS QUE INTEGRAN A PROPOSTA	1.- 2.- 3.- ...
INVESTIGADORES DOUTORES QUE INTEGRAN A PROPOSTA	
TÍTULO DO PROXECTO/ ACRÓNIMO	

Eixo Estratéxico no que situar a proposta

- Produción Vexetal e Agricultura Sostible
- Produción e Saúde Animal Sostibles
- Alimentación Segura e Saudable
- Xestión Forestal Sostible
- Tecnoloxías facilitadoras, Ómicas e TICs
- Cambio Climático
- Biodiversidade e Infraestruturas Verdes
- Unha única saúde
- Historia e Cultura no Medio Rural

Memoria científica da proposta (Máximo 3.000 palabras)

Xustificación do valor da colaboración (Máximo 1.000 palabras)

Detalle da aplicación da axuda. Orzamento solicitado

Asinado doutor/a coordinador/a do proxecto:

CONVOCATORIA DE PROXECTOS COLABORATIVOS CAMPUS TERRA

Anexo II: Formulario de Xustificación Final

Datos da colaboración	
GRUPO COORDINADOR DA ACCIÓN	Nº de Referencia: Nome Curto:
COORDINADOR (IP)	
GRUPOS QUE INTEGRAN A PROPOSTA	1.- 2.- 3.-
TÍTULO DO PROXECTO/ ACRÓNIMO	

Xustificación da actividade financiada (Máximo 1.000 palabras)

Detalle da aplicación da axuda e resultados obtidos

Asinado coordinador/a do proxecto: